



Broj: 03/7-01,02-02-1-1786/23

Sarajevo, 16. 8. 2023.

Parlamentarna skupština BiH

Kolegij Predstavničkog doma

Ustavnopravna komisija Predstavničkog doma

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO

ПРИМЉЕНО: 16-08-2023

Organizaciona jedinica	Klasifikaciona oznaka	Redni broj	Broj priloga
01/01	02-1	1786	23

Predmet: Prijedlog zakona o vanjskim poslovima Bosne i Hercegovine - *Mišljenje*,
dostavlja se

Veza akt broj: 01,02-02-1-1786/23 od 11. 8. 2023.

Zakonodavno-pravnom sektoru, u prilogu akta broj i datum veze, dostavljen je **Prijedlog zakona o vanjskim poslovima Bosne i Hercegovine** (u daljnjem tekstu: Prijedlog zakona), radi davanja mišljenja o usklađenosti Prijedloga zakona s članom 105. Poslovnika Predstavničkog doma Parlamentarne skupštine BiH¹ (u daljnjem tekstu: Poslovnik) i Jedinstvenim pravilima za izradu pravnih propisa u institucijama BiH² (u daljnjem tekstu: Jedinstvena pravila).

Na osnovu člana 106. st. (1) i (2) Poslovnika, Zakonodavno-pravni sektor daje

MIŠLJENJE

I. Aktom broj: 05-02-1-1834-9/22 od 11. 8. 2023. Vijeće ministara BiH dostavilo je Prijedlog zakona radi razmatranja po osnovnom zakonodavnom postupku.

II. Zakonodavno-pravni sektor razmotrio je Prijedlog zakona, te je utvrđeno da je podnesen u pisanoj i elektronskoj formi na jezicima u službenoj upotrebi u BiH u skladu s članom 105. stav (1) Poslovnika.

Uz Prijedlog zakona nije dostavljeno obrazloženje sa elementima propisanim odredbom člana 105. stav (3) tač. od a) do d) Poslovnika.

U skladu s članom 105. stav (3) tačka e) Poslovnika, uz Prijedlog zakona dostavljeno je mišljenje Direkcije za evropske integracije o usklađenosti prijedloga zakona s pravnoobavezujućim normama EU, kao i mišljenja institucija i organizacija koje su konsultirane tokom izrade prijedloga zakona, te mišljenje Agencije za zaštitu ličnih podataka u Bosni i Hercegovini o usklađenosti prijedloga zakona, koji se odnose na obradu ličnih podataka, sa standardima zaštite ličnih podataka.

¹ "Službeni glasnik BiH", br. 79/14, 81/15, 97/15, 78/19, 26/20 i 53/22

² "Službeni glasnik BiH", br. 11/05, 58/14, 60/14, 50/17, 70/17 i 10/21

Imajući u vidu da se radi o novom prijedlogu zakona, a ne o izmjeni ili dopuni važećeg zakona, odredba člana 105. stav (5) Poslovnika ne primjenjuje se u konkretnom slučaju.

III. U pogledu usklađenosti s Jedinstvenim pravilima, napominjemo da je u članu 17. tačka 1) Prijedloga zakona iza riječi: "Zakonom o postupku zaključivanja i izvršavanja međunarodnih ugovora" te u članu 34. Prijedloga zakona iza riječi: "Zakonom o državnoj službi u institucijama Bosne i Hercegovine" potrebno navesti broj i godinu objavljivanja službenog glasila u kojem je objavljen propis na koji se poziva sa svim izmjenama i dopunama, u skladu s članom 39. stav (2) tačka a) Jedinstvenih pravila.

U članu 40. stav (3), članu 49. i članu 50. stav (2) Prijedloga zakona riječ „dvanaest“ potrebno je pisati brojem, odnosno u članu 47. stav (2) Prijedloga zakona broj "4" potrebno je pisati slovima, u skladu s članom 45. st. (1) i (2) Jedinstvenih pravila.

U Prijedlogu zakona na srpskom jeziku, u članu 11. st. (3) i (4), članu 14. stav (2), članu 28. stav (4), članu 32. stav (3), članu 33. stav (2), članu 35. stav (2), članu 38. st. (4) i (5), članu 40. stav (2), članu 42. st. (1) i (6), članu 50. stav (2), članu 52. stav (2), članu 56. stav (2) i članu 60. stav (4) potrebno je označiti stavove na koje se poziva u skladu sa članom 31. stav (2) Jedinstvenih pravila, sa otvorenom zagradom ispred i zatvorenom zagradom iza broja.

Također, napominjemo da su u kompletnom tekstu Prijedloga zakona na srpskom jeziku tačke unutar stavova označene latiničnim pismom, a riječi: „Vijeće ministara Bosne i Hercegovine“ odnosno riječi: „Vijeće ministara“ potrebno je zamijeniti riječima: „Savjet ministara Bosne i Hercegovine“ odnosno riječima: „Savjet ministara.“

IV. Slijedom navedenog, u tačkama II. i III. ovog mišljenja konstatira se da Prijedlog zakona **nije usklađen** s članom 105. stav (3) Poslovnika i Jedinstvenim pravilima.

Stručna savjetnica u
Zakonodavno-pravnom sektoru

2017 Alma Salkić-Mijić

Devla Velagović-Omerović

Dostaviti:

- naslovu
- a/a